

Útkomið í A-deild Stjórnartíðindanna.

Konungleg auglýsing um að ríkisstjórn skuli falin á hendur ríkisarfa í fjarvist konungs, undirskrifuð af konungi 27. maí 1903 (A. nr. 5, bls. 42—43).

Konungsbrjef um setning alþingis, undirskrifað af konungi 22. maí 1903 (A. nr. 6, bls. 44—45).

Konungsbrjef um lenging alþingistímans, undirskrifað af konungi s. d. (A. nr. 7, bls. 46—47).

Boðskapur konungs til alþingis, undirskrifaður af konungi s. d. (A. nr. 8, bls. 48—49).

Konungleg auglýsing um að konungur sje kominn heim aptur, undirskrifuð af konungi 25. júlí 1903 (A. nr. 9, bls. 50—51).

Brjef landshöfðingja til amtmannsins yfir Norðuramtinu og Austur- 66
amtinu um hlunnindi handa sparisjóði Kinnunga. — Útaf beiðni, sem 27. júlí
 hingað hefir borizt beina leið frá forstöðunefnd sparisjóðs Kinnunga, vil jeg hjer
 með endurveita nefndum sjóði um 5 ár frá 1. ágúst þ. á. að telja hlunnindi þau,
 er ræðir um í tilskipun 5. janúar 1874, um hlunnindi nokkur fyrir sparisjóði á
 Íslandi með þeim skilyrðum, að trygging sú, er sparisjóðurinn nú veitir, eigi
 rýrni, að ákvæðanna um reikningsskil í lögum sjóðsins verði nákvæmlega gætt,
 og að forstöðunefnd sjóðsins sendi hingað á ári hverju endurrit af ársreikningi
 sjóðsins í því formi, er landshöfðingi fyrirskipar. Svo ber og að senda hingað
 skýrslu um hverja þá breytingu, sem verða kann á lögum sjóðsins.

Þetta er yður, herra amtmaður, til vitundar gefið, yður til leiðbeiningar
 og birtingar fyrir forstöðunefnd sparisjóðsins.

Brjef landshöfðingja til amtmannsins yfir Suðuramtinu og Vestur- 67
amtinu um sveitfesti þurfalings. — Með brjefi, dagsettu 16. þ. m., hafið 28. júlí
 þjer, herra amtmaður, sent hingað erindi frá hreppsnefndinni í Breiðuvíkurbhreppi,
 þar sem hún áfrýjar til mín úrskurði yðar, dagsettum 7. september f. á., er kveð-
 ur svo á um, að nefndur hreppur skuli svo sem framfærsluhreppur Dags Kristj-
 nssonar, þá er hann andaðist, endurgjalda Reykjavíkurbkaupstað 63 kr. 68 a.

23. dag septembermánaðar 1903.

Reykjavík. — Ísafoldarprentsmiðja.

67 Útaf þessu skal yður, til vitundar gefið yður til leiðbeiningar og frek
28. júlí ari birtingar, að með því að eigi hafa getað orðið færðar sönnur á, að Dagur
heitinn hafi unnið sjer sveit nokkursstaðar, verður fæðingarhreppur hans Breiðu-
víkurhreppur að teljast framfærsluhreppur hans á dánardægri. Því skal nefnd-
ur úrskurður yðar standa óhaggaður.

Úrskurður amtsins.

Bæjarfógetinn í Reykjavík hefir með brjefi, dags. 13. maí þ. á., lagt undir úrskurð minn ágreining um það, hvar Dagur nokkur Kristjánsson hafi átt sveit, þá er hann andaðist 4. júlí 1898 á sjúkrahúsinu hjer í bænum, þar sem hann hafði verið lagður inn gegn ábyrgð fátækraneðndarinnar hjer, hvort heldur í fæðingarsveit sinni Breiðavíkurhreppi, eða einhverjum öðrum hreppi, en í því tilliti hefir verið spursmál um Rosmhvalanesshrepp í Gullbringu og Kjósarsýslu og Kolbeinsstaðahrepp í Snæfellsness- og Hnappadalssýslu, og þessvegna um það, hvor hreppurinn ætti að endurgjalda Reykjavíkur kaupstað framlag hans með Degi Kristjánssyni, að upphæð 66 kr. 10 a., sem kr. 2.42, er reitur Dags Kristjánssonar seldust fyrir, aðeins hafa fengizt endurgoldnar uppi, svo ógreitt er kr. 63,68.

Eptir að hafa leitað og meðtekið frá prestinum í Stafholtsprestakalli nokkrar upplýsingar um dvöl Dags Kristjánssonar í Stafholtssókn, er svolátandi úrskurður lagður á þetta mál.

Eptir þeim upplýsingum, sem fyrir liggja og sem fólgnar eru í vitnisburðum ýmsra manna og vottorðum úr ministerialbókum prestakalla, var Dagur Kristjánsson fæddur á Vætu-
ökrum í Breiðuvíkurhreppi 31. ágúst 1847. Á árunum 1868 eða þar um, hefir hann fluzt 21 árs gamall með fósturforeldrum sínum í Kolbeinsstaðahrepp, en farið þaðan aptur 1876 í Stafholtstungnahrepp. Þar á hann að hafa dvalið 2 eða 3, í mesta lagi 4 ár. Í fyrnefndu brjefi bæjarfógetans, dags. 31. maí þ. á., er svo skýrt frá, að hann sje skrifaður í manntali hjer í bænum 1886—87, en hvorki fyr nje síðar, og þá hafi hann talið sig sveitlægan í Breiðuvíkurhreppi. Eptir vottorðum úr ministerialbók Útskálaprestalls er Dagur Kristjánsson skrifaður innkominn frá Reykjavík 1889 og burtvikinn árið 1895 að Krossholti í Kolbeinsstaðahreppi og innkominn þaðan aftur 1896. Þannig fer fjarri því, að sannað sje, að Dagur Kristjánsson hafi unnið sjer sveit neinsstaðar utan fæðingarhrepps síns, heldur bendir það, sem framkomið er í málinu, til þess gagnstæða, og er því hjermeð úrskurðað, að Breiðuvíkurhreppur skuli, svo sem framfærslusveit hans, þá er hann andaðist, endurgjalda Reykjavíkurkaupstað kr. 63,68.

Þetta gefst yður hjer með þjenustusamlega til vitundar, velborni herra sýslumaður, yður til leiðbeiningar og birtingar fyrir hreppsnefndinni í Breiðuvíkurhreppi, og skal jeg mælast til þess, að þjer annizt um, að hún greiði yður nefnda upphæð, sem jeg vænti, að þjer svo afgreiðið til bæjarfógetans í Reykjavík.